

內外軍衛每年一次查理軍役例

成化八年五月初四日兵部尚書白等題爲陳言事
照得先該本部題該巡按直隸監察御史康顯題切見京
衛軍士歲支糧米各給布花正當差操練習以備調用
豈期有等軍士飽煖逸居虛靡糧賞以十爲率止有
七八分差操其餘以財買跟勢要影射清閒不過終止差
操而已乞

勅兵部公同御史給事中先吊戶部各衛月糧文冊查理各衛
錢糧軍士若干却行各衛取勘見今差操若干中間查
出規避就將買閑軍人提送法司究問以警將來即目正
係用人之際不許該衛官員捏詞破調務在實徵等因具
題本部議擬照得各營軍士已蒙

欽命內外官員查理操備其在京在外衛所亦當一體查

理如有前項私役跟官辦納月錢索要錢物逼迫在
逃及賣放者該管官員問罪照例革去管軍管事若
新到衛軍士未及一年被該管官員逼迫在逃賣放
回還十名以上仍降一級每十名違降一級帶俸差操
前項軍士一體免問不及十名者仍照常例發落其京
衛分者行令本部管理存恤負外郎并管恤給事中
御史吊查戶部管糧文冊逐一查理要見某衛軍士若
于在衛差占若干空閑若干逐一查出將精壯者送營
操備在衛所者行移巡按御史南北直隸者分同所在知
府浙江等布政司公同各該分巡按察司官員查吊各衛
所食糧文冊照例清出操練仍將清理過數目造冊繳部
以備查照每年一次查考如有仍前作弊情由一體叅
奏免問照例前項所擬發落等因具題奉

聖旨是欽此欽遵外餘照前項各衛所軍士固當清理緣係
內府各監局各廠各營操備及屯田守城等項清理之際行移
各衙門取數動經半年若一年一次清理則今歲查考
未已來歲又復相任况出軍數未見增加面行移文冊
徒爲煩擾奉

聖旨是欽此